



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Svmma Diana**

**Diana, Antonino**

**Coloniae Agrippinae, 1656**

Sigillum Sacramentale Ad quæ se extendat.

**urn:nbn:de:hbz:466:1-40647**

moveret, vel saltē retardaret à confessione, quæ multoties expedit fieri per interpretem. Henriquez *lib. 3. cap. 19. num. 9.* & alii quamplurimi, contra Sorum *question. 4. artic. 5. part. 5. tract. 11. vers. 48.*

SIGILLVM SACRAMENTALE  
ad quæ se extendat.

SUB sigillo  
cadunt pec-  
cata.  
Et quæcum-  
que ad expli-  
canda pecca-  
ta dicuntur  
à confitente.

**V**ideamus nunc, quæ sint, quæ cadunt sub sigillo sacramentali. Ad sigillum confessionis pertinent non solum peccata mortalia, & venialia, nec non circumstantia, & ea omnia, quæ ad explicanda peccata sunt necessaria, sed etiam ea, quæ sunt utilia, immò & quæ nec utilia sunt; dum à penitente ad ea explicanda dicuntur. Et in hoc tolerari debent à Confessariis, ut ad peccatorum manifestationem animentur, dum sciunt à Confessatio servanda esse sub sigillo. Ita Malderus *de sigillo cap. 18. part. 3. tract. 4. resolutione 111. §. Dicos. & part. 5. tract. 11. resolut. 15. & 38.* Hinc si penitens imprudens complicem revelaret, servandus esset sub sigillo; immò priori jure, quia ex revelatione complicis cognoscitur sæpe numero peccatum penitentis. Malderus *ibidem*, & alii communiter *resolut. 111. cit.* & eadem est ratio de quacumque persona in Confessione detecta; sive ad declarandam aliquam circumstantiam, sive ex imprudentia. Reginald. *tom. 1. lib. 3. cap. 4. numer. 4. part. 5. tract. 11. resolut. 24.* in fine.

Et propositum  
peccandi.

16. Pertinent etiam ad sigillum peccata, quæ absolutionem non merentur, ut si quis confiteatur propositum, etiam non revocatum, prodendi Republicam, occidendi innocentem, &c. si penitens illud confiteatur cum animo se accusandi, & cum aliqui detestatione, quia tale propositum explicatur in Confessione tanquam objectum pravum voluntatis præsentis; unde non potest revelari sine injuria Sacramenti: & cum ex hac revelatione

secutura foret infamia penitentis, Confessio fieret odiosa. Secus verò si tale propositum explicaretur animo inducendi ad id Confessarium, vel illudendi illum, aut irridendi Confessionem, vel tandem ut quædam historia: nam tunc non adesset animus confitendi. Fagundes *pr. 2. lib. 6. c. 4. n. 26.* & alii *part. 5. t. 11. resol. 25.*

17. Cadit etiam sub sigillo penitentia imposita; non enim potest Confessarius dicere in particulari, quam penitentiam imposuit penitenti, si illa sit signum culpæ mortalis certæ, aut dubiæ, aut peccatorum venialium specialium quoad numerum, vel speciem. Secus si penitentia sit ita levis, ut ex illa colligi nequeat, nisi quod penitens confessus sit venialia. Granado *in 2. 2. contr. 7. tract. 11. disp. 6. num. 5. p. 5. tract. 11. resol. 31.*

18. Præterea occultandi veniunt sub sigillo à Confessario defectus naturales penitentis sibi ignominiosi, ut defectus natalium, &c. si ab ipso dicantur, ut conducentes ad explicationem sui peccati; secus si dicantur incidenter, in quo etiam casu abstinere debet ab illorum manifestatione. Hurradus *de sacr. disput. 12. diff. 3.* Immo Malderus *de sigillo, c. 15.* etiam in tali casu putat tales defectus cadere sub sigillo, *part. 2. t. 11. resol. 29.*

19. At verò dona & virtutes penitentis, quæ quasi semper manifestantur ad explicationem peccati, nec ex earum manifestatione redditur odiosa Confessio, non cadunt sub sigillo. Malderus *de sigillo, c. 15.* etiam in tali casu putat tales defectus cadere sub sigillo, *part. 2. t. 11. resol. 29.*

20. Quæcumque etiam alicui communicantur extra Confessionem, quamvis dicantur cum protestatione, quod taceri debeant sub sigillo Confessionis, non cadunt sub sigillo Confessionis, sed tantum sub naturali. Raynaud. *de monit. part. 1. cap. 3. quest. 4. p. 5. t. 11. resolut. 54.*

SIGILLVM